

YMA thiltum: 1. Hunawl hman that. 2. Zofate hmasawwna ngaihtuah. 3. Kristian nun dan tha ngaihsan

Vol. 43		Issue No. 36		Ramhlun North: Ni 06 September, 2025	
 BRANCH THU THAR ■ Mizo Talent 2025-a tel Tv. Lalawmpuia Tochhawng, T-Sec. leh Team Unknown te branch hmingin pawisa fai pek an ni. ■ YMA Khawmpui Liana Zaipawl kan zaina turah inbuatsaih chhoh zel a ni a. Musician ten ngawrh takin an zir chho tan. ■ Pi C Lalthantluangi, w/o V. Lalsiama (L) T-Sec. hnen atangin lehkhahu thir thingrem li lai kan dawng. An chungah lawmthu kan sawi		CENTRAL YMA IN LEGAL AWARENESS BUATSAIH (‘Finchhuahtu’ bu tlangzarh nghal) Ramhlun North, the 6th September, 2025: Ni 02.09.2025(Thawhlehi) zan khan Central YMA leh Mizoram State Legal Services Authority te chuan Aizawl khawpui chhunga Branch YMA hruaitute tan Dan hriatna kawnga inzirtirna (Legal Awareness) an buatsaih a. Dan chungchanga inzirtirna Booklet “ Finchhuahtu” tih chu Pu Lalhmachhuana, President, Central YMA in a tlangzarh. He hun hi Pu Lalsiamliana, CEC & Chairman, Legal Sub- Committee in a kaihrui a, Pu K. Lalduhawma, CEC & Secretary, Legal Sub- Committee in Report a pe. He hunah hian Pu Vincent Lalrokima MJS, Member Secretary, Mizoram State Legal Service Authority in thu sawiin YMA hruaitute hi khawtlang thianghlimna atana tha thawhtu leh tangkai ber berte an nih avangin Dan hriatna a tul thu a sawi a. “Legal Services to the Victims of Drugs Abuse & Eradication of Drugs Menace, Prevention against POSCO Crime” tih thupui hmangin Pu HT Lalmawizuala MJS, Civil Judge-cum-JMFC in Dan inzirtirna hun a hmang a. YMA hruaitute tana hriattur pawimawh hrang hrang - ruihhlo man kawnga dan anga man dan tur te, witness chungchang te, POCSO chungchangte leh thil pawimawh dange a sawi baw. Hemi zawhah hian zawhna leh chhanna hun hman a ni a, kalkhawm ten zawhna chi hrang hrang zawtin MSLSA hruaitute hian an chhang a ni. Pu Lalhmachhuana, President, Cenntal YMA in Dan inzirtirna Booklet “ Finchhuahtu” tih Central YMA hnuaia Legal Sub- Committee leh MSLSA te buatsaih chu a tlangzarh a. YMA hruaitute tana Dan chungchang zirtirna Booklet siam a nih leh Programme siam a nih chungchangah MSLSA te thahnemngaihna lawmawm a tih thu a sawi a, YMA in tha thlah lova ruihhlo hluar zel a do dan a tarlang baw. YMA hruaitute leh memberte chu Dan hnuaia fim taka ruihhlo do leh khawtlang siamthatna kawnga hma la zel tur lin a chah a, thil sual titude dan anga hrem an nih theihna turin dan kan hriat ve a ngaih thu a sawi baw. Pu Lalrammuana CEC in lawmthu sawina hun a hmang a, he hunah hian Aizawl khawpui chhunga YMA Branch hrang hrang aiawh mi 3 theuh an kalkhawm a ni. He Programme-ah hian kan branch aiawhin Pu Thandingliana, Fin. Secy leh NI. Laldusangi Pachauu te an tel a ni			
 SECTION THU THAR ■ Chawngbawla Section: Ni 10.09.2025 (Nilaini) hian sum tuak nan RSC field-ah bawng an talh dawn a, chhungkaw tin te tlawmngaia dawr theuh turin min ngen a ni.					
 CENTRAL YMA THU ■ 30.08.2025 : Ruihhlo Do leh ILP kalpui dan chungchangah Home Minister Team leh Central YMA hruaitu ten Kolasib District chhunga Assam leh Mizoram inrina lai khaw hrang hrang an tlawh. 01.09.2025 : Home Minister Pisa-ah Ruihhlo Do leh ILP chungchang meeting neih a ni a, Central YMA OB te an tel. 01.09.2025 : The Institute of Chartered Accountant of India, Aizawl ten Central YMA Building-a an Reading Room hawwna leh Investor Awareness Programme an hmang a, Pu M.S. Ralte, Fin. Secretary-in a hmanpui. 02.09.2025 : Addl. DC Pisa-ah Women & Child Development hnuaia District Inspection Committee meeting neih a ni a, Pu MS. Ralte Fin. Secretary a tel. 05.09.2025 : YMA Sub-Hqrs. Siaha chu YMA Hall, New Colony, Siaha-ah Central YMA President Pu Lalhmachhuana’n a hawng. ■ Library Duty turte Ni 13.09.2025 1. Tv. Lalrintluanga 2. Tv. Vanlalhriata 3. NI. Lalmawizuali 4. NI. Lalrinsiami 5. NI. Lalmuanzovi 6. NI. Vanlalhruaii 7. NI. Lalnunfeli		Library Children's Corner - RN YMA Ramhlun North Branch YMA Library hi mipui huap zo a nih rualin Sub-Committee rilruah chuan, naupangten Mobile phone an khawih nasat lutuk avanga an hriselna thlengin a tuar nasatzia hriain, naupang atanga lehkhahu chhiar kan uar thar leh theihna tura hmalak hi a tum lian berte zing a mi a ni. Mobile phone tel lovin naupangin chaw an ei thei ta mang lo hial emaw tih tur a ni ta. Mobile phone en nasat lutuk hian tunlaia natna hluar thar tak Autism an tih mai hi nasa takin a thlen thei tih mithiamten an sawi uar hle. Chu natna hlauhawm leh hluar thar tak mai lak kan him tlan theihna tura hmanraw tangkai tak pakhat chu Library hi a ni. YMA Library-ah hian a bik takin naupang pual hmun siam a ni a, chutih rualin an duh phawt chuan a eng pawh hi an tan buatsaih a ni tho. Naupang atanga bul kan tan thar leha lehkhahu chhiar kan uar thar leh a nih chuan kan ram leh hnam tana rohlu kan inchher thar leh dawn tihna a ni. Hei vang hian kumina kan lehkhahu lei tam zawk, zaa sawmriat tur ang vel hi naupang lam kaihnawih a ni. Sap tawng leh Mizo tawng lehkhahu chhiar duh tan hmasawn theihna khawp lehkhahu tha YMA Library-ah hian a awm a, chu lehkhahu tharawn hmang tangkai ve turin veng chhung mipuite kan sawm a ni. Library-a kan lehkhahu neihte hi kan website www.rnymalibrary.com atangin hmuh theih vek a ni a, kan mobile phone atanga en mai theih a ni. Naupang leh puitlingte tana lehkhahu tha chhiar turah thurawn engtik lai pawhin Library Sub-Committee-te hian a dawng thei reng a, a tul ang zela thurawnte tihhlawhtlin a ni ang. YMA Library tana luan chhuah ve duh kan awm chuan englai pawhin kan inhawng reng e. Kan hnam rohlu din thar lehna turin YMA Library hi a kailawn pakhat a ni a, a tihhmasawwna kawngah kan zavai hian mawh kan phur theuh tih i hre nawn leh ang u.			



RALTIANG I KAI VE ANG

America ram College zirlai chuan an hun awl zawng zawng inhlawh nan an hmang thin. Nu leh pa sum an hmang meuh lo. Summer chawlh thla thum ah nitin darkar riat thawkin an inhlawh thin. Pu Lalrema IAS retired fapa pawh Bethel College a kal lain mi ai te thawkin darkar 16 chhung a inhlawh fa ve thin a, millionaire fanu/ fapa te pawh an inhlawh ve tho. Chawei nan darkar chanve, thingpui in nan 15 minutes an chawl thei chauh a ni.

Nipuiah mi hausa pawh a mawl thei ang berin an inchei ve tho. Thlasikah erawh mi hausa thawmhnaw chu a tha deuh zirna lamah ‘A’ grade hmu turin zan dar 2 thleng zir a ngai a, zing dar 6 ah thawh leh a ngai. Zirna a hautak, thawh nasat a ngai, kekawr mawng pawp hak an zak hranpa lo. Nipui dress T-shirt, kekawr bul te an ha mai mai thin. Keini zo ve lo chung a mi hausa incheina ang neih kan tum hi chin tam lovah a tha. Kum 1960 a America pa India ram hmun tin tlawha lo zin khan “India ramah eng nge mak i tih ber...?,” an tih chuan, “Khawlaia mi thu mai mai,” a ti a nih kha. Anni ramah nilenga indaih lo reng renga che reng tan chuan a mak reng a ni. Bang chhak rek pawp a, cigarette bawm hnih thum dah a, “Fur hlo thlawh ka tum tawh lo,” ti hnam an ni ve lo, tih a hriat.

Chuvang chuan keini thalaite leh thang lo thar zel tur te hian, tan lak nan leh kawng engkima hma kan sawn theih nan eng hna pawh hi a te leh lian thliar lo ila, thawh hreh nei lovin ‘Raltiang i kai ve ang’ u.

Airtel

Internet Connection
la duh tan biak theih reng kan ni e.



Ph:8414014411 / 9366814911



KHAWTHLIR

PHAILIAN DIL

Phailian Dil hi Tuirial kam Pualrêng rama awm a ni a. (Pualrêng khua hi rambuai avâng khân an rauhsan tawh a ni) Tuirial kam chhak lawk, phai zawl zau lai tui chim phâk loh deuh hreta awm a ni. Dil lian ti-a sawi tham a ni lova, khuah chawp ni si lo, dil ni ve si a nih avângin dil tênau zinga chhiar tel ve mai a sual âwm lo ve. He dil hi a dung hlam 20 a ni a, a vang hlam 10 vêl a ni a; a thûk zawng chu hlam 4 pil zet a ni. Chanchin mak leh danglam zet a neih ve avâng hian hriat ve rêng rêng ah a tha tiin, han thai lang ve leh ta poh ila.

He dil mak danglam tak maiah hian hmânlai deuh te kha chuan sangha a tam thin hle a, a tam zia hi sawiin a siak lo a ni ber mai. tum khat chu helai dilah hian patling pasarih in sangha man in lên an dêng a, mi pasarih in sangha rêp bawmrâng khat theuh zan hnih khat thil thu lekah an man ngah thuai mai a. Lal Isuan mipui sang nga a hrai tuma an ei bang nawi bawmrâng sarih a tling ang khân, anni pawhin sangha bawmrâng sarih lai mai, a rêp lehngal hawn tûr chuan phûr takin phurh hlân an siam sauh sauh a.

Chutia haw tûra phûr taka an insiam mêk lai chuan thawk leh khatah dil aâng chuan rûlpui lian deuh hi an hmu ta mai a, rûl chu a pil leh ta daih a. Dil ah chuan sawhthing thlâr chu an han vawm lut a. Rei vak lovah chuan rûlpui chu dil aâng chuan a lo chhuak leh a. Chutia a lo chhuak tûr chu an zinga pasaltha leh huaisen deuh ber chuan a lu ah tak mai chuan a theih pa tawp hian a lo sat siah mai a. Rûl chu tuiah a lut leh a, a tâl but but a, a hnuah a reh tâk vang vangah chuan a thi tawhah an ngai a, ngaihtha tak chuan an haw san ta a.

A kum lehah chuan an zuk kal leh a, tui chu a lo awm tawh mang hauh lo va, dil chu a lo kang zo titih deuh vek mai a, dûm leh a mawng dâp tih mai loh chu hmuh tur a awm lo. An hrilhhai chu an kût chi lo hawi ta mai mai a. Rûlpui an thah emaw, an hliam emaw vânga dil chu kang ta ah an ngaihbel deuh a. Mahse, helai dil hi leimin leh Tuirial lui lianin a la hêk hret hret a, a ral ti tih tawh a ni.

Pualrêng ram a awm hma daih hian Phailian dil hi an zuk tlawh pawh tawh a,

tum khat chu thianzaho ram chhuak haw lam hi Tuirial luiah mau pûma an inkar laiin, an awmna aâng a dil bul lui kawrkai tiauphoah chuan thil mak deuh mai an hmu a. An thil hmuh chu a hmel mihring ang dawn dawn, mei nei nghoh mai, a mei kawma a lu hawl pha thuak hi an hmu a, 'Nang kâp rawh,' an inti theuh a, a tua mah chuan an kâp duh lo va. En pawh an en tha ngam lo hial zawk a, chuvang chuan sa pian mak tak chu a kalna lam pawh an hre thei ta lo va. He thil mak tak hmu tute hi in an thlen chuan lu kâwlh rawt in an na hlawm a ni.

Sawi tak ang khân Phailian dil Pualrêng rama awm a ni kan tih tawh kha. Pualrêng sawi takah chuan mi tam tak chuan Pualrêng hi kan hre lo mai thei a, khaw ram a ni tawh a, a ram chheh vêla thil mak leh hmingthang Phailian dil bâkah hian hmun pawimawh dang leh an khaw hming phuah chhan a awm nual bawk. Chung erawh sawi lo a lûmah dah ta rih phawt ila.

Pualrêng hi tûn hma chuan ram âwl tuma dai darh loh ngawpui a ni a, Laldohawnga N. Hlimen lal ram leh Khawkunga khua ram pawh a ni lo va, he ram hrûl ve ve, Tuirial kam thlang lama tlâng hlâwm lian tak, a dung mel 6 a vang mel 4 vêl a ni a. Chhuah lam leh hmar lamah khâm chawi vêl a ni a, khawthlang lamah Tuiawn lui a luang thung a. Tûn hma chuan Lungsen tih hi a ni a, a ram hi a tuiin buh leh huan thlaiin a ngeih hle a. Ramngaw chhah tak a nih avângin nungcha tinrêng te tân chuan chênna hmun nuam leh duhthusâm, pialrâl tênau ang a ni hawt mai, an tia lawm.

Phailian dil tih lovah hian Pualrêng lama lui te pahnih chuan Tuirial an fin ve ve a; Tuirial an finna chu an inzâwm chiah mai a, hei vâng hian a hmingah 'Tui-hmai-tuak' an tih phah ta ngawt mai a. He lui te pahnih hi a lui a dam nuam hle nghe nghe a, vai ho phei chuan sawi ngaihna vak an hre lo nge ni 'Ki-ti ki-ta' an ti hawl mai zuk nia!

An khaw bula bûng lian an sawi chu a len zia mi te hrilhâk a tling. Kum 1945 kum lai bawr vêl kha a ni, a bukin tin 2 hmun lai a khuh a, a kâkpui chu an kih hnu in hlam khat leh ko chhuak lai a ni a, tiang 7 lai a nei bawk. Buh leh bâl hlâwkzia pawh hrilhâk a tling bawk. Pualrêng khua hi rambuai kum 1960 khân N. Hlimen-ah an kar khawm a, an rauhsan ta a ni.

MARYMA	PHEK 3-NA	RN YMA CHANCHINBU
ZIN & HAW ■ Pu Lalrochama, Branch Vice President chu eizawwna thilah Delhi leh Agra-ah a zin mek. ■ Dr. Vanlalhlana, bialtu MLA chu GST Council Meet hmangin New Delhi-ah a zin. ■ Pu KC Lalramluahpuia, ECM hna pawimawha Guwahati zin chu a lo haw leh ta. ■ Pu Lalneihhlua, N-Sec., Pu C. Lalthanzama, S-Sec., Pu F. Vanalalfela, C-Sec., leh Pu Zoremthanga, C-Sec., te man hlana Champhai zin chu an lo haw leh ta. ■ Pu Tommy Hmingdailova Zote, V-Sec. chu a hna thawhna hmun Saitual atangin thil pawimawh buaipuiin a lo haw. ■ Pu Richard Lalsangzela, C-Sec. chu a hna thawhna hmun Khawzawl atangin thil pawimawh buaipuiin a lo haw. ■ Pu Lalţanpuia, C-Sec. Kolkata a inentira kal chu in lam a enkawl chhunzawm turin an lo haw leh ta. ■ Pu Lallura Zote, V-Sec. chu New Delhi-ah in check- up in an thang mek. ■ Tv. Lalngilneia s/o Lalengmawia, K-Sec. Guwahati a zin chu a lo haw leh ta. ■ Nl. Malsawmsangi c/o Sangnghinglova, C-Sec. chu Mizoram Football, Hmeichhe Team-ah telin National Senior Football Women Championship, Diphu, Assam a khel turin a a zin. ■ Nl. Malsawmzuali d/o Vanlalrova, C-Sec. damlo hruaia New Delhi kal chu a lo haw leh ta. ■ Dr. G. Lalthianghlimi, C-Sec. inentira Vellore kal chu a lo haw leh ta. ■ Pu David Lalchhanchhuaha, S-Sec. te chhungkua chu Dilkhan atangin chawlh hmangin an lo haw. ■ Tv. Vanlalhriata s/o Malsawmthara K-Sec. chu a zirna hmun Bangalore ah a kal leh ta. ■ Pu A. Biakthansanga, K-Sec. a puzawn damlo hruaiin Kolkata-ah a kal. ■ Dr. Lalruatkimi w/o John Lalrindika Ralte, V-Sec. Kolkata-a zai chu an lo haw leh ta. ■ Pu K. Thangdingliana, N-Sec. hna thila Hmunţhaa zin chu a lo haw leh ta.	DAMLO ■ Tv. Lalthanchhunga, T-Sec. Leader chu hritlang khawsik avangin in lamah enkawl mek a ni. ■ Lallawmsangi d/o H. Lalnunsanga, V-Sec. chu Civil Hospital, Aizawlah zai a ni. ■ Pu Vanlalghaka Zote, T-Sec. Aizawl Hospital-a awm chu in lam a enkawl chhunzawm turin a lo chhuak. ■ Nl. Esther Lalchhanhimi d/o Lalmalsawmi Zote, V-Sec. Agape Hospital, Chanmari a awm chu in lama inenkawl chhunzawm turin a lo chhuak. ■ Tv. C. Lalsangzuala s/o C. Ruatvela, C-Sec. chu hritlang khawsik avangin in lamah enkawl mek a ni. ■ Pu LH Thanga, V-Sec. chu hritlang awmna avangin in lamah enkawl mek a ni. ■ Pu Malsawmthara, K-Sec. chu a aw bawmah cancer cell hmuh thar leh a ni hlauh mai, a chawkawng erawh a ţha thung. THILDANG ■ Insawn: 1. Pi Lalngaihpuui te unau chu Bawngkawna atangin Pu C. Lalfamkima, S-Sec. te inah an rawn insawn. 2. Pu Remruatsaka Colney te chhungkua chu Pi Chhungneihi, C-Sec. in atangin Pu Dalkhena (L), C-Sec. inah an insawn. ■ Rukru man: Nizan ni 05.09.2025 khan RSC field kawtah Zohmingthanga s/o Thangroliana, Teikhang tunah Ramhlun North-a khawsa anga insawi chu a thil ruk te nen man a ni a, Bawngkawna PS-ah pek a ni. PAWL DANG ■ RSC : RSC field a inkhel ţhin ten Sports Dress nen chauh inkhelh phal a ni. Tin, field sir velah bawlhhlawh paih darh mai lovin bawlhhlhawh bawm chhawpah paih ţhin tur a ni. Tin, RSC field book duh tan Pu Lalfakzuala (Ph: 9612465897) ah book tur a ni e.  Job Readiness Program (Residential) Job - Oriented Training Lo training ve ta che Upcoming batch : 15 September, 2025 Registration: Hotel Delight Inn Bawngkawna, Venglai R&S Complex Building Training centre: Bawngkawna, Aizawl 100% Hna kan pe nghal a, hlawh tha tak leh dinhmun sang tak thlengin hna kan pe dawn. Training theih te: Food & Beverage (Male) Spa Therapist (Female) Housekeeping (Male & Female) Training hun chhung : 10 Days Free Accomodation & Food Hre chiang duh tan phone no tarlanah hian biak theih reng a ni e. Ph no. 7630932870 / 7738669687/ 9863446302	KEIMAHNI ■ Lawmnasangzuali d/o Lalawmpuia, V-Sec. chu MARYMA agent atan ruat thar a ni. ■ Pu Lalremsanga Hnamte, C-Sec. Asst. Leader chuan an inneih anniversary pualin MARYMA buaipuitu te ei tur tui tak tak min khilai a, kan va lawmin, kan va puar em!! LOCAL COUNCIL ■ Main road a railing repair a rawng hnawih ţhat a ni. ■ PPP MODE SANITATION COMMITTEE HRIATTIRNA BAWLHHLAWH PAIHCHUNGCHANG. Bawlhhlawh paih danah ruahmanna siam ţhat hret a ni a, uluk deuhin kan lo thlir anga vawn ţheuh ka tum dawn nia. MOTOR KAL NI Main Road - Nitin College Road - Thawţanni, Thawhlejni, Ningani leh Zirtawpni. Sihpui Road - Thawţanni, Nilaini, Ningani leh Inrinni Pickup 2 - Nilaini tel lovin nitin. MOTOR KAL HUN Main Road - Dar 9:00am-ah point hmasa ber atangin a kal ang. College Road - Zing dar 6:30am-ah point hmasa ber atangin a kal ang. Sihpui Road - Zing dar 6:30am-ah point hmasa ber atangin a kal ang (Inrinni bika dar 9:00am a kal ţhin chu zing karah a kal tawh ang). Pickup 2 - Zing dar 6:30am-ah point hmasa ber atangin an kal ang. ṬAWIH THEI LEH ṬAWIH THEI LO PAIH HUN Thawţanni - Ṭawih thei Thawhlejni - Ṭawih thei lo Nilaini - Tawih thei lo Ningani - Tawih thei Zirtawpni - Tawih thei lo Inrinni - Tawih thei lo. MOTOR KAL TUR Main Road - Pu Lalţanpuia Motor (MMV) College Road & Sihpui Road- Pi Lalchawiliani Motor (MMV) Pickup (Chung lam) - Pu Lalmawizuala Motor. Pickup (Hnuai lam) - Pu Roţhuama Motor. LAWMAWM ■ Laldinpuia s/o Vanlalruata Ralte, N-Sec. leh Lalremsiami d/o SK Liana, Champhai, Zotlang te chu ni 04.08.2025 khan Ramhlun North Presbyterian Kohhran Senior Hall-ah an innei. Sarah's crEATION Ei tur tui tak in budget milin kan siamsak thei reng che u. 9089403016

ADVERTISEMENT

KC TUI (10-7)
 Tui thianghlím tak PHE a quality test thlap, PickUp-in 2,000 litre kan
 pe thei reng e. Ramhlun North veng chhung tan discount kan pe e.
Ph: 7005010327 / 9774223462

Septic Tank khat paih fai, commode block, pipe fit, soak pit
thar siam engkim kan ti thei e.
Rate: Inbiakremna **Ph: 8119969364** (10-5)

Septic tank khat pailh fai, comode block, pipe fit, soak pit tha lo
 leh a thar pawh kan siam thei reng e. Kan sulhnu a fel fai a.
 service hlun leh rintlak kan ni e.
Rate inbiak remna. *Registration: MRS 542*
Contact: 9862476439 / 9436199884 (10-5)

Septic Tank khat paihfaí, Comode Block, Soak pit, Pipe Fitting, Repair engkim, khur chhung lutin, a neitu te lungawi na thlap in kan thawk thei e

Contact - 9862344971 Bawngkawn South (20-15)

Septic tank paihfai leh repairing engkim kan thawk thei e. Kum
17 chuang experience nei kan ni e.
Rate:4500 per trip
Ph.6909183193 (30-14)

Septic tank khat paih leh repair kan ti thei reng a, rate chu inbiakremna a ni ang. (5-2)
Contact: 6033373188/9612376373 | C/o Marina: 9436140350

CCA/DCA December exam turin Free Admission hawn mek a ni leh ta e..
Free Study Materials.
Free PC Hardware Maintenance & Windows/Software Installation
Mon - Fri Class kal hman lo tan Saturday-ah Class a kal theih baw e..
Class timing 7:00am - 6:00pm (Mon-Fri)
HI-TECH INSTITUTE OF COMPUTER
Zarkawt (Near Traffic Point) &
Ramhlun North (Industry peng. Opp. Traffic point)
9862343182 / 9089612701(WhatsApp/Call)

Hunthar veng, Aizawl Ph-8837293876/ 8974843225

Insakna Bungrua Rod (Durgapur Rod, X-tech leh Tata Tiscon)
Cement, Balu Brick leh AAC te hi AMC Area ah kan Free Delivery
thei e.

Durgapur Rod(Platinum)			X-tech	
20mm	1650/1600		20mm	1840
16mm	940		16mm	1140
12mm	550		12mm	660
10mm	350		10mm	445
8mm	250		8mm	300

MERGE COMPUTER CENTRE

- Free Admission
- Free Access Website content
- Free Basic Typing Course
- Provide Theory Video Tutorial
- Scholarship for DCA 2 Semester

- DCA Semester I & II
- Computer Hardware

**Near Chanmari YMA Hall, Chanmari,
Near MSB, Dawrpui Vengthar
Pi Pang Peng, Upper Republic.**

**Examination & Certificate issued by
MSCTE, Govt. of Mizoram**



CALL OR WHATSAPP

9862358347

More details & Online admission:

<https://www.mergecomputercentre.org>